

Aen Gyangjco Goeng'ik Betgviq Gyangjdanz • “Riengz Gou Hag Sawcuengh” Youq Namzningz Banh 八桂讲坛·“跟我学壮文”公益讲座在邕举办

Bonjbauq siusik (gicej Cau Dwzfeih) 3 nyied 18 hauh banringz-gvaq, aen gyangjco goeng'ik Betgviq gyangjdanz • “riengz gou hag Sawcuengh” youz Namzningz Si Minzcunghveij, Namzningz Si Minzyijveij caeuq Duzsuhvanj Guengjsae lienzhab cawjbanh haenx youq Namzningz banh. Baez gyangjco neix iucingj Guengjsae Gyauyuzdingh Minzgyaucu cucangj, Minzcuz Song Vah Saw Gyauyuz Guenlleix Bangunghsiz cujyin, fuyenzgiuyenz, Swegih Minzyijveij Minzcuz Yijvwnz Gunghcoz Conhgyah Swhsinz Veijyenzvei fucujyin veijyenz, Guengjsae Minzcuz Dayoz caixvaih binqyungh lauxsae sozsw yenzgiuswng h Veiz Lanzmingz dang bouxgangj, lij iucingj Aen Hezvei Hawfwen Guengjsae veicangj Banh Gizsi, Guengjsae Minzcuz Bau Se secangj Banh Cauzyangz, Guengjsae Minzcuz Dayoz Vwnzyozyen Gangh Cunghdwz gyausou, Luz Yungibinh fu'gyausou daengj camgya gyangjco. Gyangjco yienhcieingz yinx ndaej bak lai vnz mbouj doengz hangznieb daeuj dingq gyangjco.

Daengx aen gyangjco, Veiz Lanzmingz hopheux Cuengh Gun song vah saw 5 duenh ginggvaq: Duenh ngamq caux sawq son Sawcuengh, duenh sawqdiemj Sawcuengh hauej hagdangz, duenh diuzcingj Sawcuengh hauej hagdangz, duenh saedniemh son'gyauq Cuengh Gun



song vah saw, duenh hwngfat songyauq Cuengh Gun song vah saw; seizneix hwngfat son'gyauq Cuengh Gun song vah saw miz “seiq hoj”, couhdwg hoj miz rengzgaz roxyiuj, hoj noix miz baujcamg, hoj noix vnz, hoj ngaenz mbouj lai; Cuengh Gun song vah saw hwngfat liz mbouj ndaej gij vanzging gwnzbiengz cauxmoq doigvangq yungh Sawcuengh, cenzdiz youggaenj dwg gyagiengz lai nyinhdoengz vwnzva Bouxcuengh, hot ceiq youggaenj dwg gaemdawz gij hwngfat gvilwd gyauyuz caeuq vah saw, lohnaemj gihbwnj dwg gohyoz gveihva, faen bouh doicaenh, gajgwz cauxmoq gihci, gikfat gij rengzhoengh Cuengh Gun song vah saw sonhag daengj caeuq caezgya guh doxgyau.

Gyangjco seiz, Veiz Lanzmingz

giethab gij ginggvaq bonjfaenh caeuq gij yawjap daegbied doiq Cuengh Gun song vah saw sonhag hwngfat haenx vih bouxdingq gangj ciengz gyangjco ndei dingq he, de doenggvaq saeh caen, lwnhgangj baenzlawz guh ndei hong hwngfat Cuengh Gun song vah saw sonhag, coicaenh swnjciengz hwngfat vwnzva minzcuz, demgiengz gagsaenq vwnzva, bang doi minzcuz doxgiet.

Youq gyangjco yienhcieingz, bouxguh hong yienhcieingz fat cek doz senhconz minzcuz cihsiz Namzningz Si, cek 30 cam cihsiz giekdaej Sawcuengh, cek banhfap guenlleix gwnzbiengz yungh Sawcuengh Namzningz Si, cek ceijnamz fugsah fanhoiz gwnzbiengz yungh Sawcuengh Namzningz Si, cek Sam Nyied Sam

cazci banj Sawcuengh nem daeh cawx doxgaiq yaenq miz Cuengh Gun song cungj saw daengj swlhliu senhconz hawj gyoengq bouxdingq mbouj aeu cienz.

Gyangjco sat laeng, Banh Gizsi ciepsouh gicej caijfangj seiz naeuz: “Sawcuengh gyoepyaem daj hainduj caux daengz seizneix gaenq ndaej 60 lai bi, daengz seizneix cugyamq baenz aen dihi Cuengh Gun song vah saw sonhag(daj siujyoz daengz daihhag), aen ginggvaq neix mbouj ngaih, neix yienh'ok guekgya aeueiq gak minzcuz cungj miz gij swyouz yungh caeuq hwngfat vah saw swlgeij, vihneix, raeuz aeu daezsang gagsaenq vwnzva minzcuz, demgiengz nyinhdoengz vwnzva.”



▲ Yienhcieingz fat swlhliu senhconz mbouj aeu cienz.

◀ Gyangjco yienhcieingz.



▲ Lwgmiz Bouxcuengh yienj fouxleij.

“Ciet Roengzdoengh Gozci Beixnuengx Cungh Yez” Youq Dasinh Banh “中越国际依洞节”在大新举行

3 nyied 16 hauh, “Ciet Roengzdoengh Gozci Beixnuengx Cungh Yez Nem Baujhih ‘2·19’ Ciet Vwnzva Ngoenzseng Guenyaem” youq Dasinh Yen Baujhih Yangh Baujhih Segih Vwnzva Gvangjicangz hoengghwd gawjhengz.

Ramz Guenyaem, fouxlungz, fouxsaeciej, fouxfaexsaw daengj 20 hangh minzsuz conzduingj hozdung laebdaeb banh le 3 ngoenz, yinx ndaej Cungguek caeuq Yeznanz hekyouz sam fanh lai vnz daeuj yawjngonz daejniemh.

Ciuq camrox, aen hozdung neix gaenq cienziep geij bak bi, lij youq 2016 nienz ndaej liedhauej mingzloeg Swegih feihvuzciz vwnzva yizcanj.

(Cinz Civanj)

Denzyangz: Langhbaij Dinzwngz Mehmbwk Cimz Gijgwn Ndei Mbanjcuengh

田阳:展“巧妇”手艺 品壮家美食



▲ Saejlwedmou haeuxcid.



▲ Conhgyah bingzvej yienhcieingz cimz le couh doq dajfaen.

3 nyied 11 hauh, Denzyangz Yen Fulenz, Lijyouzgiz, Cungjunghvei daengj bumwnz youq aen yienh neix Baeuqroxdoh Vwnzva Gvangjicangz lienzhab banh daih'it gaiq “Mbanjcuengh mehmbwk dinzwngz soem” gijgwn conzduingj doxdax, Bouxcuengh mehmbwk beixnuengx daj ndaw yienh gak gyaiq daeuj haenx cungj boux riengz boux dwk gag liengh gij honggiuj dinzwngz bonjfaenh okdaej, cingsim guh saejlwed haeuxcid, ceizgo' ngaih, byacaiz laujgih, daeuhfouh Bahbez daengj 26 cungj gijgwn conzduingj miz Denzyangz bonjdieg daegsaek haenx, hawj gyoengq vnzlai daeuj yawj haenx ndaej gwn donq imq he.

Mbat “Mbanjcuengh mehmbwk dinzwngz soem” gijgwn conzduingj doxdax neix, dwg aen yienh neix angqhoh gozci “sam bet” ciet mehmbwk guh gij haehlied hozdung ndawde aen ndeu, siengj doenggvaq gij hozdung neix gikfat gij rengzhoengh gyoengq mehmbwk guh saeh cauhnieb, coicaenh daihsam canjyiez hwngfat.

(Luz Gez/陆杰)